

ԳԵՂԱՄԱ ԼԵՌՆԵՐԻ «ՎԻՇԱՊՆԵՐԸ»

Դեռևս 1909 թ. Գեղամա լեռներում շրջագայելու ժամանակ ուսն ականավոր հնագետներ Ն. Յա. Մառը և Յա. Ի. Սմիռնովը հայտնաբերեցին պաշտամունքային մի շարք կոթողներ, որոնք ինչպես տեղի բնակիչներին, այնպես էլ դիտական աշխարհին ծանոթ են «վիշապներ» անունով¹։

Որոշ ժամանակ անց «վիշապներ» հայտնաբերվեցին նաև Արագածի լանջերին², Ճորոխ գետի ավազանում³ և Վրաց. ՍՍՀ Ախալքալակի շրջանում⁴։

1963 թ. սեպտեմբերին Հայկ. ՍՍՀ Հնագիտության և ազգադրության ինստիտուտի հնագիտական-հետախուզական արշավախումբը նորից հղավ Գեղամա լեռներում, մասնավորապես այն վայրում, որտեղ դրանք էին Ն. Մառի և Յա. Սմիռնովի կողմից հայտնաբերված կոթողները։ Այդ հետախուզական շրջագայությունների շնորհիվ հաջողվեց հայտնաբերել ևս շորս նոր կոթողներ, որոնք չէին տեսել Ն. Մառը և Յա. Սմիռնովը⁵։

Ինչպես հայտնի է, «վիշապներ» կոչվող այս կոթողները Հայկական լեռնաշխարհից դուրս այլ զուգահեռներ համարյա չունեն։ Այդ պատճառով էլ հայ հնագիտության և պաշտամունքի պատմության համար վերոհիշյալ հուշարձանների ուսումնասիրումը, հատկապես նրանց թվագրության պարզաբանումը և առանձին մանրամասների ճիշտ ըմբռնումը առանձնակի հետաքրքրություն և գիտական արժեք են ներկայացնում։ Ձի կարող կասկած հարուցել նաև այն հանգամանքը, որ պաշտամունքային այս կոթողները, որոնք Հայկական լեռնաշխարհում արդեն իսկ առանձին մշակութային օջախի արդյունք են, միաժամանակ կարող են նոր լույս սփռել այդ մշակույթը ունեցող հնագույն ցեղերի էթնիկական պատկանելության հարցի վրա։ Հավակնություն չունենալով անդադառնալու կոթողների էությանը, նրանց նշանակությանն ու դերին, այդ հարցը թողնում ենք մասնագետներին։ Մեր նպատակն է ուսումնասիրողներին դյուրութուն ընձեռելու համար հրապարակել միայն Գեղամա լեռներում հայտնաբերված կոթողները՝ անհրաժեշտ չափազրություններով և գծանկարներով։

Այդ կոթողները, որոնց թիվը այժմ հասնում է քսանի, մոխրագույն քաղալտից և անդեզիտից պատրաստված ձկնակերպ և քառակող կոթողներ են ու գտնվում են Գառնի և Գեղարդ գյուղերից արևելք, բարձրագիր վայրերում, որոնք տեղացիների կողմից հայտնի են Աժդահա-յուրտ, Թոխ-մախան-գյուղ (կամ Վանքի գյուղ), Գյուլ-յուրտ, Իմիրգեկ, Բզովանի-յուրտ անուններով։

ԱՌԱՆՁԻՆ ԿՈԹՈՂՆԵՐԻ ՀԱՄԱՌՈՏ ՆԿԱՐԱԳՐՈՒԹՅՈՒՆԸ

ԱՌԻԱՀԱ—ՅՈՒՐՏ

№ 1— Սա միաձույլ, մոխրագույն քաղալտից կերտված ձկնակերպ կոթող է, որն ունի 3,60 մ երկարություն և իրանի տարբեր մասերում՝ տարբեր լայնություն (լայնությունը բերանի մոտ 43 սմ է, կենտրոնում՝ 35 սմ, պոչի մոտ՝ 60 սմ)։ Գլանի տրամագիծը կենտրոնում 50 սմ է։

¹ Н. Я. Марр и Я. И. Смирнов, Вишاپы, „Труды Гос. Акад. Историн матеральной культуры“, т. I, 1931, նույնի Les Vichaps, Leningrad, 1931.

² Գ. Ղափանցյան, Հնության մի քանի հիշատակարաններ, «Արարատ», № 1, 1914, Աշխ. Քալանթար, Քարե դարը Հայաստանում, «Նորք» № 5—6, Երևան, 1925, նույնի Գիտությունը և գիտա-հետազոտական աշխատանքները խորհրդային Հայաստանում, Երևան, 1931, նույնի Արագածը պատմության մեջ, Երևան, 1933, էջ 62, նկ. 21։

³ Ա տր պ ե տ, Ճորոխի ավազանը, Վիեննա, 1929, նույնի Վիշապաց պաշտամունքը, «Բաղ-մավեպ», 1931, № 7—8, էջ 308—319։

⁴ Լ. Մ. Մելիքսեթ-Քեկ, Մեզալիթյան կուլտուրան Վրաստանում, Թբիլիսի, 1938 (վրացերեն)։ Նույնի Вишاپы и вишапоиды Грузии. „Краткие сообщения ин-та Историн мат. культуры“, вып. XV, 1947, էջ 27—37։ Չ ու ռ ի ն ի շ վ ի լ ի, Ամիրանիս լեռը, նյութ-թեր Մեսխեթ-Ջավախեթի հնագույն պատմության համար, Թբիլիսի, 1963, էջ 83 (վրացերեն)։

⁵ Լ. Ա. Քարսեղյան, Ժ. Դ. Խաչատրյան, Ա. Ա. Քալանթարյան, Նորահայտ պաշտամունքային կոթողներ Գեղամա լեռներից, Հայկ. ՍՍՀ ԳԱ «Տեղեկագիր» (հաս. գիտ.), 1964, № 8, էջ 85—88։

Կոթողի ծայրում քանդակված է ձկան զլուխ, իր բոլոր մանրամասներով, իրանի վրա պարզորոշ գծագրվում են ձկան թեփուկները, խոփկները, աչքերը, ջրանցքերը և բերանը։ Ձկան զլխի վրա քանդակված է զլխուղեգի վահանը։ Ձկան փորի տակը ավելի հարթեցված է և իր վրա կրում է կենդանիների մի քանի պատկեր։ Պատկերներից մեկը իրենից ներկայացնում է եղան մարմին, առաջ պարզած վերջավորություններով, որը զրավում է կոթողի մեծ մասը և նայում է դեպի ձկան զլուխը։ Ձկան զլխի մոտ քանդակված է եզան զլուխ, որի երկու կողմերում կանգնած են մեկական թռչուններ, հավանաբար արաղիկներ։ Եղան դեմքի վրա պարզորոշ երևում են ականջները, աչքերը և ունեզերը, որից դուրս են ցայտում չրի երկու շիթեր։

№ 2— Սա նույնպես մոխրագույն բազալտից քանդակված ձուկ է, որն ունի 2,60 մ երկարություն, զլխի մոտ և մարմնի կենտրոնում՝ 80 սմ, իսկ պոչի մոտ՝ 40 սմ լայնություն ու 45 սմ հաստություն։ Ձկան զլխի մասում երևում են աչքերը, թթանցքերը և բերանը։

№ 3— Ձկնակերպ այս կոթողը ունի 5,10 մ երկարություն, մարմնի տարբեր մասերում 73—55 սմ լայնություն և 35 սմ հաստություն։ Քանդակված զլուխը իր վրա պարունակում է ձկան բոլոր մանրամասների պատկերումը։

№ 4— Ձկնակերպ այս կոթողի երկարությունը 3,40 մ է, կիսազլանի նմանվող մարմինը՝ շատ հաստ։ Ձկան բերանի մասը խիստ բուրբ է։ Կոթողը արտաքինպես իր վրա կրում է ձկան բոլոր մանրամասները։ Ձկան փորի տակ հարթ է և ամբողջովին ծածկված է եղ պատկերող բարձրաքանդակներով։ Բարձրաքանդակ այդ պատկերը ունի շուրջ 2,50 մ երկարություն։ Եզան պատկերը նայում է դեպի ձկան պոչը։ Այն պատկերված է ձգված, երկար և շատ բարակ իրանով, որի վերջավորությունների մի կողմում եզան զլուխն է իր մանրամասներով և առաջին ոտքերով, իսկ մյուս կողմում ետին ոտքերը ու իրանից շարունակվող երկայնղանի ոլոր պոչը։

Պատկերը կարծես ավելի շուտ իմաստավորում է զոհաբերված ու մաշկված կենդանու մորթին, քան իրեն՝ եզին։

№ 5— Այս հուշարձանը մի քառակող կոթող է, որի երկու լայն մասերում կան եզ պատկերող բարձրաքանդակներ։ Ն. Մառը և Յա. Սմիռնովը հրառարակել են կոթողի վրայի միայն մեկ բարձրաքանդակ պատկերը, այն էլ ոչ ամբողջովին⁶։ Հստ երևույթին, կոթողն այն ժամանակ ոչ թե կողքի է ընկած եղել, ինչպես էսրկայումա, այլ մեջքի վրա։

Կոթողն ունի 2,5 մ բարձրություն, 1 մ 70 սմ լայնություն, 47 սմ հաստություն։ Բարձրաքանդակներից առաջինի վրա երևում են եզան զլուխը, ականջները, վիզը, պոզերը, ունեզերը և զլուխը պարուրող առջևի ոտքերը։ Երկրորդ բարձրաքանդակը պատկերում է եղն ամբողջովին, սակայն ընդհանուր գծագրությամբ։ Եզը պատկերված է միայն զլխով, պոզերով, ականջներով, առջևի ոտքերով, իրանի հիմնական (այն էլ ուռուցիկ) մասով և շատ երկար պոչով։

ԽՈՒՄԱԽԱՆ-ԳՅՈՒ (ԿԱՄ ՎԱՆՔԻ ԳՅՈՒ)

№ 6— Հայտնաբերվել է համանուն լճի հատակից։ Սա 2,05 մ բարձրությամբ, 80 սմ լայնությամբ և 22 սմ հաստությամբ քար է, որն իր վրա կրում է հարթ, պրիմիտիվ քանդակագործության դրոշմ։ Կոթողի վրայի բարձրաքանդակը պատկերում է եզ։ Պարզորոշ երևում են եզան առաջին ոտքերը, նրանց միջև գտնվող զլուխը։ Քանդակագործին հաջողվել է մեկ հնարով տալ եզան զլխի ընդհանուր գծային պատկերը, նրա առանձին մանրամասներով։ Եզան ճակատից իջնում են կոր պոզերը, որոնցից վերև պատկերված են ականջներն ու վիզը։ Եզան ողջ պատկերը իմաստավորում են բարձրաքանդակ ականառուները և ունեզը։

№ 7— Գտնվում է լճի հատակում։ Մոխրագույն, շեշտ բազալտից քանդակված ձուկ է։ Այն ունի 3,40 մ երկարություն, տարբեր մասերում 70—25 սմ լայնություն։ Կոթողի վրա շատ լավ երևում են ձկան բերանը, աչքերը և խոփկները։ Հրապարակվում է առաջին անգամ։

№ 8— Սա կիսազլանաձև մի կոթող է, որի երկարությունը 3,50 մ է, լայնությունը՝ 85—70 սմ և հաստությունը՝ 45—30 սմ։ Կոթողի հարթ մասում, համարյա ողջ երկարությամբ քանդակված է եզան պատկերը։

Առաջին իսկ հայացքից եզը թողնում է արդեն զոհաբերված կենդանու տպավորություն, պատկերված լինելով մեջքի վրա պառկած, անկենդանու ոտքերը և զլուխը մարմնի վրա ծալած։ Սակայն նրա բերանից դուրս եկող չրի շիթը նրան կարծես կենդանություն է հաղորդում։

№ 9— Սա դլանաձև քար է, որն ունի 4 մ երկարություն, 1 մ 50 սմ լայնություն։ Գլանի վրա քանդակված է եզան մարմինը, կախ ընկած ոտքերով։ Մարմնի կենտրոնում պատկերված են երկու

⁶ N. Marr et I. Smirnov, Les Vichaps, t. 2, 63.

իրար նայող թռչուններ, որոնք հավանաբար արագիլներ են: Ծզան գլխի մանրամասները լավ չեն պահպանվել:

№ 10— Չկնակերպ այս կոթողը ներկայումս հտնվում է Մաշտոցի անվան Մատենադարանում և տեղափոխվել է Թոխմախան-գյուլից: Այն ունի 2 մ երկարություն, 50—15 սմ լայնություն և 30 սմ հաստություն: Զկան իրանի վրա հազիվ նշմարվում են աչքը, բերանը և մարմնի վրայով անցնող ալիքաձև մի գիծ:

№ 11— Հայտնաբերվել է Ցա. Սմիրնովի կողմից Թոխմախան լճի հենապատերից մեկի շարվածքի մեջ, խիստ կոտրված վիճակում: Կոթողի երկարությունն է 1 մ 50 սմ, լայնությունը 50 սմ, Կոթողի մի երեսը իր վրա կրում է մի ինչ որ խորհրդավոր գազանի սխեմատիկ պատկեր, իսկ հակառակ կողմում փորագրված են եզան մարմնի որոշ մանրամասներ:

ԳՅՈՒԻ-ՅՈՒՐՏ

№ 12— Գտնվում է Աժդահա-յուրտից 4 կմ հեռավորության վրա, Դավա-գյուղի (Նախկինում՝ Գյուլի) յուրտ կոչվող վայրում: Կոթողն ունի 3,90 մ երկարություն, 1 մ 90 սմ լայնություն և 50 սմ հաստություն: Բարձրաքանդակ եզան գլուխը համարյա ոչնչացված է: Սխեմատիկ գծագրությամբ պատկերված են եզան դուրս ցցված ակնախոռոչները, ակնաչևերը, պոզերը, հակատը և ծնոտը:

№ 13— Գտնվում է Նախորդ կոթողից 10 մ հեռավորության վրա: Այս կոթողի երկարությունը 2,35 մ է, լայնությունը՝ 70—60 սմ, հաստությունը՝ 30 սմ: Բարձրաքանդակ պատկերը ամբողջովին քայքայված է: Սակայն պատկերի գծագրությունը հնարավորություն է տալիս պնդելու, որ այստեղ ևս եզ է պատկերված եղել:

№ 14, № 15— Գտնվում են Գյուլի-յուրտ կոչված տեղում, Աժդահա-յուրտից ոչ շատ հեռու: Այդ կոթողները հրատարակված են Ն. Մառի և Ցա. Սմիրնովի կողմից: Դրանք մենք չենք տեսել, սակայն Գեղամա լեռների ավիապնդիչ հավաքածուն ամբողջացնելու նպատակով այստեղ տալիս ենք նաև այդ կոթողների Մառի և Սմիրնովի նկարագրությունը: Կոթողներից մեկը ամբողջական է և ձկան ձև ունի, իսկ մյուսը մի բեկոր է, որը երբեմնի արձանի միջին մասն է կազմում: Այս բեկորի իրանի երկայնքով քանդակված են երեք այնձև գծեր, որոնցից միջինի ծայրը հաստ է:

ԻՄԻՐՁԵԿ

№ 16— Գտնվում է Աժդահա-յուրտից ոչ շատ հեռու՝ Իմիրզեկ վայրում: Սա բազալտից կերտված ձուկ է, 4 մ երկարությամբ, 70—40 սմ լայնությամբ և 40 սմ հաստությամբ: Զկան փորի տակ հարթ է, իսկ գլխի մասում քանդակված է եզան գլուխ, կախ ընկած ետևի ոտքերով: Ծզան բերանից դուրս են ցայտում չրի շիթեր:

№ 17— Նույն տեղում գտնվում է մեկ այլ կոթող, կերտված մոխրագույն բազալտից, որը մեզ չհաղողվեց տեսնել: Ն. Մառի և Ցա. Սմիրնովի նկարագրության համաձայն այն ձկնակերպ է, որի փորի տակ քանդակված են եզան և թռչունների պատկերներ:



№ 18— Վերահիշյալ կոթողի մոտ ընկած է նաև ձկնակերպ մեկ այլ արձան, Ըստ Ն. Մառի և Ն. Սմիրնովի նկարագրության այն իր վրա կրում է չորս կենդանիների գլուխներ, որոնց բերաններից չուր է հոսում:


№ 19— Գտնվում է Իմիրզեկից ոչ շատ հեռու, Բզովանի-յուրտի (Արտաշատի շրջանի Բզովան գյուղի ամառային արոտատեղի) շրջակայքում, Բաբա-փարի կոչվող վայրում:

Այս կոթողը բազալտե մի հսկայական ձուկ է 5,20 սմ երկարությամբ, 90—50 սմ լայնությամբ, 2,25 սմ շրջագծով: Զուկը քանդակված է իր բոլոր մանրամասերով: Նրա վրա երևում են քարձրաքանդակ բերանը, աչքերը, խոհկները, թեփուկները և լողանները:


№ 20— Վերը նկարագրած կոթողից ոչ շատ հեռու ընկած է 4,10 սմ երկարությամբ, 73—60 սմ լայնությամբ և 80 սմ հաստությամբ մեկ ուրիշ ձուկ, որի վրա պարզորոշ երևում են բերանը, աչքերը, խոհկները, թեփուկները և լողանները:

Լ. Ա. ԲԱԼՍԵՂՅԱՆ






Տ. 1 0 10 20 cm




0 10 Տ. 5 20



Տ. 7

0 20 100



Տ. 8

0 20 100





Տ. 9


0 20 100



Տ. 11




Տ. 12




Տ. 13




Տ. 14





Տ. 15



Տ. 16





«ВИШАПЫ» ГЕГАМСКИХ ГОР

Л. А. БАРСЕГЯН

(Р е з ю м е)

Еще в 1909 г. Н. Я. Марром и Я. И. Смирновым на Гегамских горах были обнаружены каменные стелы, получившие в специальной литературе название «вишапов». В 1963 и 1967 гг. в Гегамских горах побывала разведочная экспедиция Института археологии и этнографии АН Армянской ССР. Во время этих работ были обнаружены еще пять новых «вишапов».

Ниже публикуются все обнаруженные на Гегамских горах «вишапы», с их описаниями, рисунками и описанием.

Изучение каменных стел-«вишапов» представляет большой научный интерес, связанный с идеолого-мифотворческим представлением древних жителей Армянского нагорья.